

中華圖書館協會概

民國三十三年八月

中華圖書館協會概況

目次

沿革

一

組織

一〇

一 會務機關

一〇

二 會員

一二

三 經費

一四

事業

一六

一 圖書館行政之促進

一六

二 分類

二四

三 編目

二五

四 索引及檢字

二六

五 圖書館教育

二八

六 圖書館建築與設備

三一

七 編纂及出版

三二

八 調查

三六

九 國際圖書館事業之參加

四一

附錄

一 中華圖書館協會職員表

四七

二 中華圖書館協會會員錄

五三

中華圖書館協會概況

沿革

我國圖書館協會之組織，首推北京圖書館協會，時在民國八年，業經成立。至于全國之總會，則發軔于民國十一年成立之中華教育改進社圖書館教育委員會。嗣該委員會于民國十三年有促成各地方圖書館協會之議決案，並議定次年教育改進社在奉天舉行年會時，發起全國圖書館協會。十四年三月，北京圖書館協會以美國圖書館協會派遣代表來華，欲于中國圖書館事業有所贊助，認為有提前組織之必要，特組委員會籌備一切，設委員十人，高仁山任主席。時南京、江蘇、上海、天津各圖書館協會，亦已先後成立，遂即邀同發起。又海內熱心教育文化諸

公，以私人資格加入發起者，凡五十六人，爲蔡元培、梁啓超、黃炎培、張伯苓、熊希齡、顏惠慶、汪兆銘、袁希濤、丁文江、傅增湘、胡適、馬叙倫、蔣夢麟、江庸、林長民、楊蔭瑜、范源廉、易培基、周詒春、吳敬恒、于右任、曹雲祥、嚴鶴齡、李煜瀛、蔡廷幹、鄒魯、王正廷、陶知行、張嘉森、陳寶泉、陳垣、余日章、湯爾和、張繼、傅銅、董澤、張鴻烈、石瑛、高魯、張黻卿、馬君武、顧孟餘、胡石青、沈兼士、張彭春、翁文灝、沈祖榮、楊銓、鄧萃英、查良釗、胡詒穀、陳裕光、洪煨蓮、韋棣華、盧錫榮、胡慶生等諸先生。首揭緣起，以示國人，其詞曰：

周官外史，掌三皇五帝之書，達書名于四方，我國之有圖書館，蓋已權輿于是。所以弘敷文化，普及教育，固不待西說東來，而後知其功用也。徒以後世怠于講求，寢失本義，藏之中秘，惠不逮民，扁之私家，施不及衆，矧以世傳難久，散佚居多，國步頻更，喪亡每邁。二三有志，徒堅抱器

之誠；歷代帝君，虛飾右文之典，文教之衰，由來久矣。近雖取法歐美，頗有設施，顧尙館自爲政，不相聞問。將收遠效，實待他山。同人服務典藏，行能無似，深苦觀摩乏術，商榷莫由。茲經公同定議，請集全圖圖書館及斯學專家，爲中華圖書館協會。本集思廣益之方，爲捉軋懷鉛之助。邦人君子，幸垂鑒焉。

旋于四月十二日，在北平中央公園來今雨軒，開發起人大會，推鄧萃英爲臨時主席。議決組織籌備會。推定北京、南京、江蘇、上海、杭州、開封、濟南、天津各圖書館協會會長，及鄧萃英、熊希齡、范源廉、查良釗、陳寶泉、洪煨蓮、沈祖榮等十五人爲籌備委員，並推北京圖書館協會會長袁同禮爲臨時幹事。洪有豐、查良釗兩先生爲書記。于是月十九日在師範大學樂育堂開第一次籌備會，正式推熊希齡爲籌備會主席，幹事書記仍

舊。同時推舉候選董事，並訂下次籌備會在上海舉行。時上海亦有全國圖書館協會之發起，各省圖書館代表應召蒞滬者已有十四省。爰議決合組，于四月二十四日在交通大學，翌日在廣肇公學，開成立會，通過組織大綱；選舉蔡元培、梁啟超、胡適、丁文江、沈祖榮、鍾福慶、范源廉、熊希齡、袁希濤、顏惠慶、余日章、洪有豐、王正廷、陶知行、袁同禮十五人爲董事；戴志騫爲執行部部長，杜定友、何日章爲副部長。至是，中華圖書館協會正式誕生。繼于六月二日在北京歐美同學會舉行成立式。一時名宿畢集，由顏惠慶博士主席，教育部次長呂復、美國圖書館協會代表鮑士偉、本會董事部長梁啟超及韋棣華女士，皆有演說。各地會員遠來蒞會者，由北京圖書館協會招待宴會及游覽。中華圖書館協會宣言：

近頃圖書館任務，非僅嚴典皮，廣蒐羅而已。舉凡弘教育，敷文化，與夫

指導社會之責，靡不分負之。而館政之良窳，與專學之興廢，遂大有關乎民族之盛衰。是則凡典藏之史，與秉鐸之師，所皆不當忽然置之者也。國中圖書館近既林立矣，而應用專學以管理之者，蓋尙鮮例。如各館之內，設備必如何而後周？組織必如何而後當？利用藏書之道何似而宜？啓發社會之方何似而可以至通乎全國？宜如何分布設置？調劑經費？皆討議規劃，不厭精詳。同人無似，爰有中華圖書館協會之組織，將並羣力，庶收遠效。今以十四年四月二十五日成立於滬濱，復以六月二日舉會于京國，用掬宗旨，敬宣言于國人之前。幸垂教焉。

是年六月及十月，先後經前京師警察廳及教育部依學術團體例准予立案。十七年國民政府教育部成立，復于十二月十四日正式批准立案。

十八年一月本會舉行第一次年會于首都。年會宣言：

青天白日莊嚴燦爛之首都，政權統一甫及卅月，中華圖書館協會於茲開第一次年會。新民新國，新年新會，不可無一言以昭告邦人。且中華圖書館協會，實成立於民國十四年四月，星霜嬗易，首尾四年，乃獲聚薄海同人，晤對一堂。迴思昔之戰禍頻仍，國事蝸蟻，水深火熱之中，所以阻吾民之進步者，殆非一事。吾中華圖書館協會同人，雖時時有召集年會之思議，卒亦形格勢禁，而末由實現。幸而軍閥鏟除，國基大定，訓政時期，百廢具舉。同人始得牽裳接轡，無間南朔，雍容翕集，各持所學所業，以報告貢獻於本會諸君子，及各界之鉅公長德，弟兄姊妹。撫今追往，念茲會之鄭重難得，則尤不能自己於言：

華夏文化之夙成而富有，所不待言。即以藏書歷史而論，亦非寥寥短

章所能罄。今茲所亟欲揚權者，則晚近吾國圖書館之一名詞，世恆視爲學校之副業，而數量質職，均未能與他國比隆。故開會之始，所宜揭櫫以諭有衆。近世圖書館功在致用，其鵠的在使國族無男女老稚以逮聾鼓瘖啞，讀書機會一切均等。以故有學校圖書館，而初受教育及已受教育者，咸得享有繼續閱讀及研究之機會；有公立圖書館，而略受教育者，咸得享有使用圖書以發展其知識，增益其技能之機會；有特殊圖書館，而專門學者旁及盲啞廢疾，咸得享有應其需要，各愜所願之機會。由是言之：學校者，有限制之教育也，圖書館者，無限制之教育也。學校者，被動之教育也，圖書館者，自動之教育也。以云普及，以云孟晉，則圖書館之地位，惡得抑置於一切學校之下？然而循省斯言，蘄達其的，又非一朝一夕，一手一足，所易幾也。求各界之協助，必先宣傳

圖書館之功用，使人人了解斯事之重要。求本位之銳進，必先灌輸及創造圖書館專門知識，並培植專門人才，使人人信仰斯學之俊偉。求效率之彰灼，必先以極便利之方法，積極推廣，使人人證實斯文之利益。同人自維識短力薄，誠不足以語此。第自力於椎輪，以徐臻於大輅，荷黨國之裁成，受羣衆之鏤礪，抑亦未敢多讓。

復次，則吾國年禩綿邈，幅員遼廓，先民之積累不可億計，今人之責任遂愈艱鉅。吸集異域之新知，推尋吾族之國寶，學校仔肩殆猶不若圖書館。矧以總理遺訓，恒詔吾人首宜恢復民族精神，精神所寓，匪圖則書，闡揚黨義，尤同人所宜努力也。名都大邑，遐陬僻壤，外人之所捆載，愚者之所毀棄，訪求搜集，注意典藏，存亡絕續之交，端在今日。又如編檢之法，新陳相嬗，鉤稽之途，探索逾宏，若何而使汗牛充棟之藏，一一

悉以科學方式理董規恢，使適今日之用。閉門造車，未易合轍，集思廣益，更非策羣力不爲功矣。會事草創，智慮未周，固知來此之億萬斯年，其相引而愈爲長者，事且無藝，而於此第一次之集會，凡我同人所鬱積旁魄，欲一傾吐以求教於並世君子者，誠不敢飾其淺陋，而不自襮。都人士女，不遐棄而惠臨，且督教焉，則同人所馨香頂禮，特筆於中華圖書館協會新紀元者也。

同時本會董事部及執行部改組爲執行監督兩委員會。

本會成立之初，在北平石虎胡同松坡圖書館第一館內，借屋三椽，爲總事務所。自十六年三月遷入北平北海圖書館。至二十年，國立北平圖書館文津街一號新築落成，特闢一室以爲本會事務所，爰于六月二十五日遷入焉。書架環壁而立，本會所藏參考圖書皮列架上，惟定期刊

物，以限於地址則寄存于國立北平圖書館，除圖書外本會尙藏有國內各大圖書館攝影及彫板模型等，足供同志研討。

組織

一 會務機關

本會據十八年一月修訂組織大綱之規定，設執行委員會及監察委員會，下又組織有各種專門委員會。

執行委員會之職權，在規定進行方針，籌募經費，編製預算及決算，通過會員入會手續，推舉常務委員及候選執行委員，與其他一切事項。執行委員凡十五人，互推五人爲常務委員，主持本會會務。常務委員更互選一人，爲本會主席，執行一切事項。另設常任書記一人，掌理並保管

紀錄文件及雜務事項；會計一人，掌理出納及簿記事項。因事務之需要，得聘用雇員，爲處理特別學術問題，得組織各項專門委員會。現在本會之專門委員會凡八：

分類委員會

圖書館教育委員會

編目委員會

圖書館建築委員會

索引委員會

板片調查委員會

檢字委員會

編纂委員會

此外更因出版上之需要，設有圖書館學季刊及會報兩編輯部。

監察委員會之職權，在督促執行委員會執行議案；執行事件有與大會議案抵觸者，得提出糾正；與審查預算決算。監察委員凡九人，公推主席一人，書記一人。

本會在十八年一月以前，原由董事及執行兩部組織而成。董事部設董事十五人，互推一人爲部長，一人爲書記，其職務略如今之監察委員會。執行部設正部長一人，副部長二人，幹事若干人，今改組爲執行委員會。專門委員會彼時成立者，有圖書館教育、分類、編目、索引及出版六委員會。

二 會員

本會會員分爲三種：一、機關會員，以圖書館或教育文化機關爲單位。各地圖書館協會爲當然機關會員。二、個人會員，凡圖書館員或熱心于圖書館事業者。三、凡于圖書館學術或事業上著有特別成績者，推舉爲名譽會員。普通會員入會，須有會員一人爲之介紹，經執行委員會通過。會員有按期繳費之義務，而有參加年會、選舉及被選舉等之權利，此

外復可無償受贈本會會報及圖書館學季刊，購訂其他出版書籍，照定價九折。會員如有關於圖書館及目錄等學術上之問題，均可通訊諮詢，會中當盡力指導，或提出討論。書籍雜誌之出讓或徵求，交換館員，交換複本，求人或求職，本會亦概可爲之斡旋。

本會成立之初會員數僅二百餘人。年有增加，表列如左：

十五年	機關會員一二九名	個人會員二〇二名	總數三三一名
十六年	一三二名	二一七名	三四九名
十七年	一二九名	一九〇名	三一九名
十八年	一六二名	二六九名	四三一各
十九年	一七三名	三〇八名	四八一各
二十年	一八六名	三四三名	五二九名
二十一年	二二三名	四三四名	六六七名

現在有機關會員二百五十八名，個人會員四百七十七名，計共七百三十五名已三倍於前矣。

三 經費

本會經費來源，全賴會員會費維持。一、機關會員年納會費五元。二、個人會員年納會費二元，三、永久會員。個人一次納會費二十五元，機關一次納會費一百元，作爲本會基金。四、襄助會員。不分國籍，每人納會費五十元，亦全數充作基金。至於捐助費，除中央黨部，及中央政府各院部，對於本會屢有捐助外，機關如國立清華大學，國立中央大學，國立北平大學，國立北京大學，國立北平師範大學，中法大學，燕京大學，東北大學，江蘇省政府，行政院駐平政務整理委員會，河北省政府，北平市政府，中華教育文化基金董事會，實業部地質調查所，北平故宮博物院，松坡圖